

## BUKU MUSANI SILE ALURI

# E'DOZA

*E'yo Munguni 'bu 'bazu nyaku beri*

1 Okokele Mungu 'ba 'bu pi nyaku  
be. 2 Nyaku nde ovu pirini,  
afa alenia yo, angu biza ovu yi aliru  
ma dria; te Orindi Munguni ri yi  
nde ma dria 'dani.

3 Mungu 'yo ra, Diza ma ovu  
indi; diza nga di di ani. 4 Mungu  
ndre diza nde ovu onyiru; Mungu  
nga di diza nde ma eseles co angu  
biza be ndu ndu. 5 Mungu nga  
diza ma ru 'da Etu'i, nga angu biza  
ma ru 'da Ini'i. Te ondre indi, o'biti  
indi, o'du alu.

6 Mungu 'yo ra, Afa ajaza ma ovu  
yi nde ma eseles agadua, ma awa yi  
pi ma eseles yi azini be ndu ndu.  
7 Mungu nga di afa ajaza nderi ede  
ra, nga yi afa ajaza nde ma etiari pi  
ma eseles co yi afa ajaza ma drilia  
ururi be ndu ndu. Te eri nga i 'ye  
'dini. 8 Mungu nga afa ajaza nderi  
ma ru 'da 'Bu'i. Te ondre indi,  
o'biti indi, o'du iriri.

9 Mungu 'yo ra, Yi 'bu ma etiari  
ma oku yi pari alua, angu a'wiru  
ma e'da i beni. Eri nga i 'ye 'dini.  
10 Mungu nga di angu a'wiru ma  
ru 'da Nyaku'i, 'da vini yi te yi  
okupi tualuri ma ru Miri'i. Te  
Mungundreeri ovu onyiru. 11 Mu-  
ngu 'yo ra, Nyaku ma idu ase, afa  
idiza ori 'yapi 'diyi pie, pati efi kapi  
suruti vusi orini ovuzu alenia 'diyi  
pie dria, nyaku ma dria. Eri nga i 'ye  
'dini. 12 Nyaku nga di ase idu ra,  
afa idiza ori 'yapi suruti vusi 'diyi  
pie, pati efi kapi orini ovuzu alenia  
'diyi pie, suruti yini vusi. Te Mungu  
ndre eri ovu onyiru. 13 Ondre indi,  
o'biti indi, o'du nari.

14 Mungu 'yo ra, Diza ndu ndu  
ma ovu afa ajaza 'buari ma alia ci,  
etu pi ma eseles cozu ini be ra; yi ma  
ovu ecetaru, ewu pi ecezu o'du pie,  
eli pie, 15 yi ma ovu dizaru afa  
ajaza 'buari ma alia, diza fezu nyaku  
ma dria. Te eri nga i 'ye 'dini.  
16 Mungu nga di diza ambo ambo  
ede iri, diza amboruri dri cezu opiru  
etu ma drilia, diza wereti dri cezu

1 Yob 38: 4-7  
Isa 42: 5;  
45: 18  
Yoh 1: 3  
Kol 1: 16  
Ebr 1: 10;  
11: 3  
Ecc 4: 11  
2 Yer 4: 23  
Yer 31: 35  
3 2 Kor 4: 6

Zab 104: 25,  
26  
6 Yob 37: 18  
Zab 33: 6  
Yer 10: 12

9 Yob 38: 8,  
10, 11  
Zab 33: 7;  
95: 5  
Yer 5: 22

11 Zab 104: 14

E'do 3: 22;  
5: 1; 9: 6;  
11: 7  
Zab 8: 6-8  
Isa 6: 8  
Yak 3: 7, 9

14 Zab 104: 19  
Yer 10: 2  
Yoc 2: 30, 31  
Mar 24: 19  
Luk 21: 25  
Mal 2: 14, 15  
Mar 19: 4  
Mar 10: 6  
1 Kor 11: 7  
Efe 4: 24  
Kol 3: 10  
E'do 9: 1, 7  
Lev 26: 9  
1 Tim 4: 3  
16 Azi 4: 19  
Zab 136: 7-9

opiru ini ma drilia; eri ede vini 'bi-  
'bio indi. 17 Mungu nga yi 'ba afa  
ajaza 'buari ma alia diza fezu nyaku  
ma dria, 18 dri cezu opiru etu pi  
ma drilia ini be indi, diza pi ma eseles  
cozu angu biza be ndu ndu. Te  
Mungu ndre eri ovu onyiru.  
19 Ondre indi, o'biti indi, o'du suri.

20 Mungu 'yo ra, Yi mirini ma  
ezu afa acipi ovupi idri be 'diyi tre  
tre, aria ma sa nyaku ma drilia uru  
afa ajaza 'buari ma angu walaruria.

21 Te Mungu nga anyapa ambor  
ovupi yia 'diyi 'ba ra, anyapa dria  
idri be acipi aci yi ndeni ezule tre  
'diyi pie, suruti yini vusi, aria dria  
opile be 'diyi pie dria suruti yini  
vusi. Te Mungu ndre eri ovu  
onyiru. 22 Mungu nga di asi  
ndrizza fe yi dri, kini, Emi ma ti, emi  
ma ezu tre, emi ma ga yi mirini ma  
alia tre ani, aria ma ezu tre nyaku  
ma dria indi. 23 Ondre indi, o'biti  
indi, o'du towiri.

24 Mungu 'yo ra, Nyaku ma ezu  
anyapa idri be 'diyi tre tre, suruti  
yini vusi: anyapa akua 'diyi pi, afa  
acipi aci valesi 'diyi pie, anyapa asea  
'diyi pie dria suruti yini vusi. Te eri  
nga i 'ye 'dini. 25 Mungu nga  
di anyapa asea 'diyi o'ba ra suruti  
yini vusi, anyapa akua 'diyi pie  
suruti yini vusi, afa dria acipi aci  
valesi nyakua 'diyi pie dria suruti  
yini vusi. Te Mungu ndre eri ovu  
onyiru.

26 Mungu 'yo ra, Ama ma ede  
'ba wura amani vusi, e'daza amani  
vusi indi; yi ma adri opiru e'bi miria  
'diyi pi ma drilia, aria 'bua 'diyi  
pie, anyapa akua 'diyi pie, angu  
wudrikuru driari pie, afa acipi aci  
valesi nyaku dria 'diyi pie dria.  
27 Mungu nga di 'ba 'ba i ma  
ngulupi ma wura vusi, ada 'ba eri  
wura Munguniri vusi; o'ba yi agupi  
pi oku be. 28 Mungu nga asi  
ndrizza fe yi dri, Mungu nga 'yo yi  
tia, Emi ma ti, emi ma ezu kakau,  
ma ga nyakua tre, nyaku ma ovu di  
emi ma palaa; emi ma ovu di ani e'bi

miria 'diyi pi ma drilia opiru beni, aria 'bua 'diyi pie, afa idiru acipi nyaku ma dria 'diyi pie dria. 29 Mungu 'yo ra, Emi ndre, ma fe emi dri afa idiza dria ori 'yapi ovupi nyaku dria ma dria 'diyi pi, pati dria ovupi patiesi ori fepi 'diyi be 'diyi be 'bo; yi nga ovu emi dri nyakaru. 30 Ma fe vini ase ibiru nyakaru anyapa dria asea 'diyi pi dri 'bo, aria dria 'bua 'diyi pie, afa dria acipi aci valesi nyaku dria ovupi idri be 'diyi pie dria. Eri nga ovu 'dini. 31 Te Mungu ndre afa erini o'baile 'diyi dria, te mi ndre, eri onyiru tu. Ondre indi, o'biti indi, o'du aziari.

**2** 'Bu pi ma 'baza de di yi ra nyaku pie, ongulumu yiniri be dria. 2 O'du azirisi Mungu de azi erini 'yeleri ra, eri nga di ava li o'du azirisi azi dria erini 'yeleri ma vutia. 3 Mungu nga de asi ndrizza fe o'du azirisi dri, nga eri 'ba alataruaru, a'disiku o'du ndesi Munguni ava lile azi dria erini 'bale azini 'yeleri ma vutiarisi.

#### E'yo Adamu pini ovuzu amvu Edeniari

4 'Baza 'bu pini nyaku beri ma e'yo ndra 'dini, ndra erini yi 'baria, o'du Yehova Munguni 'bu pi edezu nyaku berisi. 5 Afa idiza amvuari ndra nga nyaku yo, ase nyakaru amvuari engani ndra nga ku, Yehova Munguni ndra nga ozoo fele 'dizu nyaku ma dria kurisi, azini vini indi 'ba ngapi amvu 'yapirini ndra nga ovule yorisi; 6 te luru adri ndra tu nyaku driasi, yi fezu angu ma dria dria. 7 Yehova Mungu ede ndra 'ba ma wura irifura nyakuarisi, vu ava idriniri eri ma omvulea ci; 'ba nde ofu di ani ovuzu orindi idri beriru. 8 Yehova Mungu ede ndra amvu, kala etuni efuzurialeruria Edenia; 'ba ndra agu nde erini edeleri alenia 'daa. 9 Yehova Mungu fe pati dria ovupi ndrizaru ndrezasiri pi ma enga nyaku ma alia, pati dria onyiru nyakasiri pie, pati idriniri indi amvu ma eselia agadua, pati onitani onyi pi ma e'yo nizu onzi beri be.

10 Yi ara efu Edeniari razu yi fezu amvu nde dri, engazu 'dasi nga i awa eca ovuzu yi e'busiru su. 11 Okori ma ru Pisoni'i; 'diri yi arangu dria Havilani, pari meleni

29 Yob 36: 31  
Zab 104: 14,  
15; 145: 15,  
16  
Dan 10: 4 14

30 Zab 104: 27,  
28; 147: 9

31 Zab 104: 24  
1 Tim 4: 4

2 Ef 20: 11;  
31: 17  
Ebr 4: 4

E'do 1: 20, 24 19

E'do 15: 12 21  
1 Sam 26: 12

7 E'do 3: 19;  
7: 22  
Yob 33: 4  
Ekl 12: 7  
1 Kor 15: 45,  
47

E'do 29: 14 23  
Lip 9: 2  
2 Sam 5: 1  
1 Kor 11: 8  
Efe 5: 30

8 E'do 13: 10  
Isa 51: 3

9 E'do 2: 17;  
3: 22

Ece 22: 2, 14 24

Mat 19: 5  
Mar 10: 7

1 Kor 6: 16  
Efe 5: 28-31

Mat 10: 16  
Ece 12: 9;

20: 2  
11 E'do 25: 18  
1 Sam 15: 7

ovuzuri, acepi kururi'i; 12 mele angu ndeniri onyiru tu;aya bide- liumiruri pi indi 'daa oni onukiruri be. 13 Yi ara iriri ma ru Gihoni'i; yi ara nde angu dria Kusini acepi kururi'i. 14 Yi ara nari ma ru Hidekel'i'i; eri yi ara efupi Asuria ma driliari'i. Yi ara suri ma ru Ufirate'i.

15 Yehova Mungu nga agu nde 'du ra, nga eri 'ba amvu Edeniari ma alia azini ngazu azini ageini tezu. 16 Yehova Mungu nga e'yo azi 'ba nderi ma tia kini, Mi eco pati amvu ma alia 'diyi ma efi nya dria mini lelerile; 17 te mi ma nya pati onitani onyi pi ma e'yo nizu onzi beri ma efi ku, a'disiku o'du mini efini nyazurisi mi nga dra adada.

18 Yehova Mungu 'yo ra, Agu ndeni ovuzu a'dule 'dini ovuni onyiru ku; ma nga 'ba eri aza kopiecopi eriniruri 'ba ra. 19 Yehova Mungu nga anyapa dria asea 'diyi pi ede nyakusi, aria dria 'bua 'diyi be, nga yi ejji agu nde vu, ndrezu kani eri nga yi ma ru o'da ngoni ngoni yani; te afa dria idiru 'diyi ma ru agu ndeni 'daleri ka ndra ngoni ti, nga ovu runuri. 20 Agu nde nga ru fe anyapa akua 'diyi pi dri, aria 'bua 'diyi pie, anyapa dria asea 'diyi pie dria; te agu nde dri yi isuni nga 'ba eri aza kopiecopi eriniruri ku. 21 Yehova Mungu nga fe o'du ma 'be agu nde dikilidi, eri nga di o'du ko an; eri nga ejefala erini nze alu ra, nga zani omvi parinia dika; 22 Yehova Mungu nga ejefala erini nzele agu nde ma ruuari ede okuru, nga eri ejji agu nde vu. 23 Agu nde nga 'yo ra,

'Diri curu'do fala maniri ma azi, eri za maniri ma azi indi; yi nga eri ma ru 'da Oku'i, yini eri nzele Agupi ma ruuarisi.

24 E'yo 'disi 'bani nga i ma ati pi ku i andri be, nga i ebi oku ini be, yi iri tro nga efu rua aluru. 25 Yi ndra iri tro pililiru, agu nde pi oku erini be, te yi ovuni ndra drinza be ku.

#### Adamu pini e'yo Munguni gazu siri

**3** Isu de uri ovu lokiri be aga anyapa asea Yehova Munguni 'bale 'diyi ma azi dria ra. Eri nga 'yo oku ma tia, Mungu 'yo adaru

kini, Emi ma nya pati amvu ma alia 'diyi ma azi ma efi ku ya? 2 Oku nga 'yo uri ma tia kini, Ama eco pati amvu ma alia 'diyi ma efi nya ra; 3 te e'yo pati amvu ma alia agaduari ma efinsi, Mungu 'yo ndra ra kini, Emi ma nya eri ku, emi ma elo vini eri ma rua ku, emi kazu drazu ku. 4 Uri nga 'yo oku ma tia kini, Emi ngani dra ku fo! 5 A'disiku Mungu ni ra kini o'du emini ngazu eri nyazurisi, emi mileni nga yi zi ra, emi di nga ovu Mungule e'yo onyiru pi nizu e'yo onzi be. 6 Oku ka ndre pati nde ovu onyiru nyazaru, azini ovu ndrizaru ayiko fezu 'ba milia, azini kini eri pati 'bani lele tu 'ba 'bazu onduaru beniri, eri nga efini 'du ra, nga nya ra; nga fe vini agupi erini dri, eri nga nya indi. 7 Yi iri tro ma mile nga yi zi ra, yi ni yi ovu pililiru; yi nga ani elio bi eci tualu, nga yi ede yi dri bongoru.

8 Yi nga Yehova Mungu ma o'duko eri erini aciria amvu ma alia etusini ambiria 'boria; agu nde pi nga yi ozi okuni be Yehova Mungusi pati amvua 'diyi ma eselia. 9 Yehova Mungu nga agu nde omve, nga 'yo eri tia, Mi ngoa ya? 10 Eri nga 'yo ra, Ma eri o'duko mini amvu ma alia, te ma ovu urisi mani ovule pililirurisi; ma zi ma ani. 11 Eri nga 'yo kini, A'di kini mini, mi pililirurimi ya? Mi nya pati efi mani e'yoni azile mi tia 'bo kini ma nya kuri'i ya? 12 Agu nga 'yo ra kini, Oku mini fele ma ovu ma beri fe patiefi nde ma drini, ma nya ani. 13 Yehova Mungu nga 'yo oku tia, E'yo mini 'yele 'dini 'diri a'di e'yoni ya? Oku nga 'yo ra, Uri ici mani, ma nya ani. 14 Yehova Mungu nga 'yo uru ma tia,

Mini e'yo 'diri 'yele 'borisi,  
mi ovu trizaru aga anyapa akua  
'diyi dria ra,  
aga vini anyapa asca 'diyi dria  
indi;

mi nga mi ose agatisi,  
mi nga irifura mbe  
idri mini ma o'du vusi dria.

15 Ma nga anguonzi 'ba emi eselia  
oku be,  
ori mini pi ma eselia ori erini  
be;

- |  |  |   |
|--|--|---|
| kini, Emi ma nya pati amvu ma alia 'diyi ma azi ma efi ku ya? 2 Oku nga 'yo uri ma tia kini, Ama eco pati amvu ma alia 'diyi ma efi nya ra; 3 te e'yo pati amvu ma alia agaduari ma efinsi, Mungu 'yo ndra ra kini, Emi ma nya eri ku, emi ma elo vini eri ma rua ku, emi kazu drazu ku. 4 Uri nga 'yo oku ma tia kini, Emi ngani dra ku fo! 5 A'disiku Mungu ni ra kini o'du emini ngazu eri nyazurisi, emi mileni nga yi zi ra, emi di nga ovu Mungule e'yo onyiru pi nizu e'yo onzi be. 6 Oku ka ndre pati nde ovu onyiru nyazaru, azini ovu ndrizaru ayiko fezu 'ba milia, azini kini eri pati 'bani lele tu 'ba 'bazu onduaru beniri, eri nga efini 'du ra, nga nya ra; nga fe vini agupi erini dri, eri nga nya indi. 7 Yi iri tro ma mile nga yi zi ra, yi ni yi ovu pililiru; yi nga ani elio bi eci tualu, nga yi ede yi dri bongoru.<br>8 Yi nga Yehova Mungu ma o'duko eri erini aciria amvu ma alia etusini ambiria 'boria; agu nde pi nga yi ozi okuni be Yehova Mungusi pati amvua 'diyi ma eselia. 9 Yehova Mungu nga agu nde omve, nga 'yo eri tia, Mi ngoa ya? 10 Eri nga 'yo ra, Ma eri o'duko mini amvu ma alia, te ma ovu urisi mani ovule pililirurisi; ma zi ma ani. 11 Eri nga 'yo kini, A'di kini mini, mi pililirurimi ya? Mi nya pati efi mani e'yoni azile mi tia 'bo kini ma nya kuri'i ya? 12 Agu nga 'yo ra kini, Oku mini fele ma ovu ma beri fe patiefi nde ma drini, ma nya ani. 13 Yehova Mungu nga 'yo oku tia, E'yo mini 'yele 'dini 'diri a'di e'yoni ya? Oku nga 'yo ra, Uri ici mani, ma nya ani. 14 Yehova Mungu nga 'yo uru ma tia, | Mini e'yo 'diri 'yele 'borisi,<br>mi ovu trizaru aga anyapa akua<br>'diyi dria ra,<br>aga vini anyapa asca 'diyi dria<br>indi;<br><br>mi nga mi ose agatisi,<br>mi nga irifura mbe<br>idri mini ma o'du vusi dria.<br><br>15 Ma nga anguonzi 'ba emi eselia<br>oku be,<br>ori mini pi ma eselia ori erini<br>be; | eri nga mi dri gba ra,<br>minga era paedu ga ra.<br>16 Eri 'yo oku ma tia,<br>Ma nga candi mini ere kakau,<br>anzi osiza mini ma alia;<br>mi nga di anzi osi candisi,<br>e'yo mini leleri nga ovu agupi<br>mini ma dria,<br>eri nga ovu mi drilia opiruni.<br>17 Te Adamu ma tia eri 'yo 'dini,<br>Mini oku mini ma ti erile 'borisi,<br>mini pati mani e'yoni azile mi<br>tia kini,<br>Mi ma nya efini ku-ri<br>ma efi nyale 'borisi,<br>nyaku ovu di trizaru e'yo minisi;<br>mi nga kazani nya ocokosi o'du<br>mini ovuzu idrirurisi dria;<br>18 eri nga oci pi ka mi dri avaefi be;<br>mi nga afa idiza amvuari nya'i.<br>19 Mi nga enya mini nya<br>ondi mi andretiarisi<br>de nga mi mvini nyakua ku,<br>yini mi 'dule eri ma aliarisi,<br>te mi irifurani,<br>mi nga mvi dika irifuraru.<br>20 Agu nde nga i ma oku ma ru<br>'da Eva'i, erini ovule 'ba dria idri be<br>'diyi ma andriniris. 21 Yehova<br>Mungu ede Adamu pi dri oku be<br>enyi bongoru, osu yi ani.<br>22 Yehova Mungu 'yo ra, Mi<br>ndre, agu eca ovu ama ma azile 'bo,<br>onyi pi ma e'yo nizu onzi be; te<br>curu'do, kazu muzu dri ejuzu pati<br>idriniri 'duzu indi, nyazu, ovuzu<br>idriri 'dani 'dani beni ku—23 e'yo<br>'disi Yehova Mungu pe eri ma ti<br>amvu Edeniarisi amve, nyaku ndra<br>Munguni eri e'duzu alieniarisi<br>'yazu. 24 'Dini eri dro di agu nde<br>ra; eri nga Kerubi piyi o'ba amvu<br>Edeniarisi ma kala etuni efurialeruria,<br>sei aciandre be i ojapi kala driasiri<br>be, geri muzu pati idrini vuri ma ta<br>mbazu. |
|--|--|---|

<sup>1</sup> Kaini ma efi Iusa'i.